



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ
ԵՎ ՍՊՈՐՏԻ ՆԱԽԱՐԱՐ
ՀՐԱՄԱՆ

No

861-Ա/2

« 01 հունիս » « — » 2021 թ.

**«ՍՏԵՂԾԱԳՈՐԾ ԵՎՐՈՊԱ» ԾՐԱԳՐԻ ՀԱՅԱՍՏԱՆՅԱՆ ԳՐԱՍԵՆՅԱԿԻ
ԳՈՐԾՈՒՆԵՈՒԹՅԱՆ ԱՊԱՀՈՎՄԱՆ ԾՐԱԳԻՐԸ ՀԱՍՏԱՏԵԼՈՒ ԵՎ ԳՈՒՄԱՐ
ՀԱՏԿԱՑՆԵԼՈՒ ՄԱՍԻՆ**

Ղեկավարվելով «Հայաստանի Հանրապետության 2020 թվականի պետական բյուջեի մասին» Հայաստանի Հանրապետության օրենքով և Հայաստանի Հանրապետության վարչապետի 2019 թվականի հունիսի 1-ի N 661-Լ որոշմամբ հաստատված Հայաստանի Հանրապետության կրթության, գիտության, մշակույթի և սպորտի նախարարության կանոնադրության 19-րդ կետի 20-րդ ենթակետով, ինչպես նաև ՀՀ արտաքին գործերի նախարարության 2020 թ. հոկտեմբերի 15-ի N 1101/26997-20 գրությամբ ներկայացված ԵՄ հանձնաժողովի կրթության և մշակույթի գլխավոր տնօրինության մշակույթի և ստեղծագործության գծով տնօրեն Թամաս Սզուքսի 2020 թվականի հոկտեմբերի 9-ի գրության՝ «Ստեղծագործ Եվրոպա» ծրագրի հայաստանյան գրասենյակի գործունեության ապահովման նպատակով

Հ Ր Ա Մ Ա Յ ՈՒ Մ Ե Մ

1. Հաստատել «Ստեղծագործ Եվրոպա» ծրագրի հայաստանյան գրասենյակի գործունեության ծրագիրը՝ համաձայն հավելվածի:
2. «Հայաստանի Հանրապետության 2021 թվականի պետական բյուջեի մասին» Հայաստանի Հանրապետության օրենքի N 1 հավելվածի N 2 աղյուսակի «1168. Արվեստների ծրագրի» «11005. Մշակութային միջոցառումների իրականացում» միջոցառման համար Հայաստանի Հանրապետության կրթության, գիտության, մշակույթի և սպորտի նախարարությանը (այսուհետ՝ նախարարություն) նախատեսված գումարներից (տող՝ «Միջազգային մշակութային համագործակցության իրականացում,

սփյուռքի հետ համագործակցություն, հայ մշակույթի պահպանում») հատկացնել 4921.4 հազար (չորս միլիոն ինը հարյուր քսանմեկ հազար չորս հարյուր) դրամ՝ «Ստեղծագործ Եվրոպա» ծրագրի հայաստանյան գրասենյակի գործունեության կազմակերպման ծախսերն ապահովելու համար:

3. Նախարարության ֆինանսաբյուջետային վարչության պետին՝

1) սույն հրամանն ուժի մեջ մտնելուց հետո 15-օրյա ժամկետում նախապատրաստել և նախարարության գլխավոր քարտուղարի ստորագրմանը ներկայացնել սույն հրամանի 2-րդ կետում նշված գումարը «Իսահակյանի տուն-թանգարան» պետական ոչ առևտրային կազմակերպությանը հատկացնելու մասին պայմանագիր (այսուհետ՝ պայմանագիր):

2) Հայաստանի Հանրապետության կրթության, գիտության, մշակույթի և սպորտի նախարարի 2020 թվականի մարտի 16-ի թիվ 343-Ա/2 հրամանին և կնքվող պայմանագրին համապատասխան իրականացնել ֆինանսական հաշվետվությունների ընդունման և պայմանագրով նախատեսված աշխատանքների հանձնման-ընդունման արձանագրությունների կազմման և ստորագրման գործառույթներ:

4. Նախարարության արտաքին կապերի և սփյուռքի վարչության պետին՝ Հայաստանի Հանրապետության կրթության, գիտության, մշակույթի և սպորտի նախարարի 2020 թվականի մարտի 16-ի թիվ 343-Ա/2 հրամանին և կնքվող պայմանագրին համապատասխան իրականացնել պայմանագրով նախատեսված աշխատանքների կատարման նկատմամբ հսկողություն, բովանդակային հաշվետվությունների ընդունման գործառույթներ:

5. Սույն հրամանի կատարման հսկողությունը վերապահել Հայաստանի Հանրապետության կրթության, գիտության, մշակույթի և սպորտի նախարարի տեղակալ Ա. Մարտիրոսյանին:



ՎԱՀՐԱՄ ԴՈՒՄԱՆՅԱՆ
/պաշտոնակատար/

5/31/2021

X 

ՎԱՀՐԱՄ ԴՈՒՄԱՆՅԱՆ

Signed by: DUMANYAN VAHRAM 1909620211

Հավելված
ՀՀ կրթության, գիտության,
մշակույթի և սպորտի նախարարի
01.06 2021 թ.
N 861-Վ հրամանի

ԾՐԱԳԻՐ

«Ստեղծագործ Եվրոպա» ծրագրի հայաստանյան գրասենյակի գործունեության

1. Կազմակերպության անվանումը

«Ավետիք Իսահակյանի տուն-թանգարան» ՊՈԱԿ

2. Կազմակերպության գտնվելու վայրը

ք. Երևան, Զարոբյան փող., 20 շենք

3. Ծրագիր

«Ստեղծագործ Եվրոպա» ծրագրի հայաստանյան գրասենյակի գործունեության

3.1 Բովանդակությունը

Եվրոպական Միության «Ստեղծագործ Եվրոպա» ծրագիրը բաղկացած է երկու՝ «Մեդիա» և «Մշակույթ» ենթածրագրերից: Ծրագիրը հասանելի է ԵՄ Հարևանության երկրների համար: Ներկայում այն ԵՄ մշակույթի ոլորտի ամենամեծ ֆինանսավորմամբ իրականացվող ծրագրերից է:

2018թ. մարտի 20-ին Բրյուսելում ՀՀ մշակույթի նախարարի և ԵՄ կրթության, երիտասարդության, սպորտի և մշակույթի հարցերով հանձնակատարի կողմից ստորագրվել է «Հայաստանի Հանրապետության կառավարության և Եվրոպական հանձնաժողովի միջև մշակութային և ստեղծագործ ոլորտների համար Միության «Ստեղծագործ Եվրոպա» ծրագրին Հայաստանի Հանրապետության մասնակցության վերաբերյալ» փոխըմբռնման հուշագիրը, որի համաձայն՝ Հայաստանը միանում է միայն «Մշակույթ» ենթածրագրին և մշակութային և ստեղծագործ ոլորտների համար «Ստեղծագործ Եվրոպա» ծրագրի միջոլորտային հարթակին:

3.2 Նպատակ

Եվրոպական Միության «Ստեղծագործ Եվրոպա» ծրագրի «Մշակույթ» ենթածրագիրը հնարավորություն է ընձեռում հայաստանյան մշակութային և ստեղծարար ոլորտի կազմակերպություններին ծավալելու համագործակցություն նույն ոլորտի մի շարք այլ կազմակերպությունների հետ, խթանում է շփումները մշակույթի գործիչների միջև և տրամադրում է դրամաշնորհային ծրագրեր գրականության, թատրոնի, ճարտարապետության, կերպարվեստի, երաժշտարվեստի, դիզայնի և մի շարք այլ ոլորտներում:

3.3 Անցկացման վայր

Երևան, Հայաստան

3.4 Անցկացման ժամկետ

2021 թ. ապրիլի 1-ից հուլիսի 31-ը

3.5 Ակնկալվող արդյունքներ

«Ստեղծագործ Եվրոպա» ծրագիրը պետական և մասնավոր հատվածում գործող մշակութային և ստեղծարար կազմակերպություններին հնարավորություն է տալիս արտերկրի իրենց գործընկերների հետ համագործակցությամբ իրականացնել մեծածավալ մշակութային ծրագրեր: